


www.BibleForChildren.org

उत्पत्ती ३




मिनु आदममी आ मीश कली हच्वा नें
वोदा बाक्त। मारदे हना मेको ब्रॉइब मुर
नेल्ल आन ममा दुम्माक्त।




मिनु परमप्रभु यावे आ सेल्शो जन्तु
आन दातेमी नेल्ल कयेडा निप्स पाइशशो
बुस्स दुम्माक्त। मिनु बुस्सुमी मीश मुर
कली “परमप्रभुमी इस कली ‘एको रू डा
रवा आन फल मारेइ मब्वसे’ देंमे?”
दे हिल्लो पवा बाक्त।



मिनु मीश मुरुमी
बुस्स कली "गो एको
रू डा रवा आन फल
ब्वचा दुम्नस्कु। तन्न रू
आ दातेमी बाकशो रवा आ फल आ पबर्म
परमप्रभुमी 'मब्वचा, मथिचा यो। ब्वाइतीसी
हना, गे बेकनीसी' देंत" देंमाक्त।



तन्न बुस्सुमी
“गे बेक्सीन मबेक्नीसी।
ब्वाइतीसी हना, इस कली
रिम्शो नु मरिम्शो मार
बाक्बा तुइक्पाइक्ब। मिनु गे परमप्रभु
खोदैशो दुम्नीसी। मेकोन परमप्रभुमी
तुइक्ताक्व” देंमाक्त।



मिनु मीश मुरुम मेको रवा तशा ब्वशोनु,
ब्रोवचा डा कौवशोनु, दारशो, रुप्तीक थुं
गेचा डा तवा बाक्त। मोपतीके फल सेक्शा,
ब्ववा बाक्त। मेको आ नेक्था बाक्ब आ
वोंइश कली यो गोवा बाक्त। मेकोमी यो
ब्ववा बाक्त। मिनु नोले निम्फा शिश्रा
बाक्शो तुइक्तसे बाक्त।
मिनु फोवशी रवा आ
सफा सेक्शा फेक्तीक
सेल्से बाक्त।






मिनु परमप्रभु
यावैमी आदम कली “ते बाकडे?” दे
ब्रेत्ता बाक्त। मेकोमी “गो इन गाकशो नेंता। मिनु
गो शिश्रा बाक्तीके, हिंशा खुइकसाकयी” देंमाक्त।
मिनु “गे शिश्रा बाक्नेवे, दे दोपा तुइक्नेवे? मब्बचा
देंशौ रवा आ फल ब्ववी?” दे हिल्लो पवा बाक्त।



मिनु मुरुमी “इन गेशो मीश मुरुमी आं कली मेको रवा
आ फलं गेती। मिनु गो ब्वाता” देंमाक्त। मिनु परमप्रभु
यावेमी मेको मीश मुरु कली “मार पवी?” दे हिल्लो
पवा बाक्त। मीश मुरुमी “बुस्सुमी आं कली जोल
पा ब्वपाइक्ती। मिनु गो ब्वाता” देंमाक्त।





मोपतीके परमप्रभु यावेमी खप रे सेल्शो
मुर कली एदेन माइशो रू रे गुंइशा,
अरु रूम गेय पथ सोइक्ता बाक्ता।





परमप्रभुमी मेको आस
कली खेरसी बाक्त। मेको आस कली खेरशा,
एदेन रु डा पूर्वमी आ स्वर्ग डा करुब
माइशशो गेय पाइब वोदा बाक्त। मेकेर
मी ब्रशो एर आँथ हिरब तरवार का
यो वोदा बाक्त। मेको ब्रॉइपाइक्ब
रवा आ फल ब्वचा
मताम्सेकल, दे
कोवब वोदा बाक्त।




मिनु नोले आदम आ मीश हव्वा नु इम्माक्त। मिनु हव्वाम
कोवज कुरशा, तौ का थिमाक्त। हव्वामी “परमप्रभु यावेमी आं
कली वारच पा आल का गेती” देंमाक्त। मिनु आं नें काइन
वोदा बाक्त।




मिन मेको आ नोले लेंशा अर्को तौ का यो थिमाक्त। मेको
कली हाबील नें वोदा बाक्त। हाबील काइन आ लोकब
बाक्माक्त। मेको आल निक्शी कोल्शा, हाबील भेडा गोठला
दुम्माक्त। काइन चहिं रु डा गेय
पाइब दुम्माक्त।



काबु काइनमी आ रू डा सिशो मारेइ मारेइ थोवक परमप्रभु
यावे कली चढेवा बाक्त। हाबीलमी आ डोंइती गिक्शो पाठा आ
श्ये नु बोंसो परमप्रभु यावे कली चढेवा बाक्त।
मिनु परमप्रभु यावेमी हाबील आ चढेशो ब्रवा
बाक्त। तन्न काइन आ चढेशो मब्रवा बाक्त।
मिनु काइन आ कुल राव
किक्पा चुरमाक्त।



मिनु काइनमी आ लोकब हाबील कली “रूमी लस” देंमाक्त।
मिनु रूमी बाकसानु, काइनमी हाबील कली सदा बाक्त।



मिनु परमप्रभु यावेमी काइन कली “इ लोकब ते बाकम?” दे
हिल्लो पवा बाकत। मिनु काइनमी “डाद, गो आं लोकब आ
गोठला नडा डा?” देंमाकत। मिनु नोले काइन परमप्रभु यावे आ
डोंइती रे लमाकत। मिनु एदेन आ पूर्व
गे, नोद माइशशो रागीम
जाकदीशशा बाकमाकत।



मिनु आदम लेंशा आ मीश नु इप्शा, तौ का थिमाक्त। मेको
कली सेथ नें वोदा बाक्त। हव्वामी “परमप्रभुमी
हाबील आ पा डा अर्को तौ का गेती। मारदे हना
काइनमी हाबील कली साइक्तु” देंमाक्त।



सेथ थिशा नोले आदम ८ सहे बर्स ब्रॉइमाक्त। अरु
तमी तौ यो थिमाक्त। मिनु आदम नेल्ल पा ९ सहे
३० बर्स ब्रॉइशा बेकमाक्त।



मिनु परमप्रभु यावेमी “रागीम बाक्शो मुर आं अरेशो
मटीब नु मरिम्शो पाइब ला बाक्नीम। मार
मिम्ताकर्म हना यो, मरिम्शो बाक्त” दे
मिम्ता बाक्त। मिनु परमप्रभु यावेमी
“आं सेल्शो मुर आंन कली रागी
रे कयाम्नुड।”



“मुर नु जन्तु नेल्ल कयाम्नुड। खपीम गेशा गाक्क
आइक्क जन्तु नु सरीडम बैरब चिक्क यो
कयाम्नुड। मारदे हना गो मेको आन कली
सेल्शा यो, आं थुं मनुड” दे मिम्ता बाक्त।





परमप्रभु यावेमी रागी डा मुर आन कली शुश
दाक्ताक्व। मोपतीके ओ कांडचीक तौ
रागीमी सोइक्ताक्व। सु सुमी मेको
कली थमा सुइक्नीमी, मेकोपुकी
नरक मलाइनीम। तन्न गेना
हना यो परमप्रभु यावे नु
बाक्चा ताइनीम।



रोमी 3:23

मारदे हना नेल्लेमी पाप पाम्तेकम। मोपतीके परमप्रभु यावे आ
छेडछेडम जाकदीन्ने मचाप्नीम।

रोमी 6:23

मरिम्शो पशो आ गाल्च बेक्चा बाक्ब। परमप्रभु यावे आ गेशो
शिशो चहिं इं प्रभु येसु ख्रीस्त रे पा गेना हना यो ब्रॉइशा
बाक्चा बाक्ब।

हिब्रू 9:27

दोपा मुर खेयप का बेक्चा माल्नीमी नु मेको बेक्शा,
निसाफ पचा पुंइसीनीम।



एफिसी 2:8,9

मिनु गोपुकी परमप्रभु यावे आ शिशी तशा, थमा सुइक्तीके पाप रे
ब्रॉइतीनी। मेको इन पतीके ममाइ, परमप्रभु यावेमी मोशा गेशो
बाक्ब। मेको मुरुम पशो ममाइ, मोपतीके सुइ ठेयब लेन्ने
मचाप्नीम।

रोमी 10:9,10

मिनु गोपुकीमी “येसु प्रभु बाक्ब” देंशा इन थुंमी “परमप्रभु यावेमी
मेको कली बेक्शो रे सेंताक्व” दे थमा सुइक्तीनी हना, गे ब्रॉइचा
ताइनीनी। मुरुमी मेको थमा सुइश्शा, ठीके दुम्नीम। मिनु सु सुमी
“येसु आ प्रभु बाक्ब” दे मुरे आन डोंइती देंबा, मेको ब्रॉइचा
ताइनीम, दे तुइक्नय।



यूहन्ना 3:16,17

परमप्रभु यावेमी रागी डा मुर आन कली शुश दाक्ताक्व। मोपतीके आ काँइचीक तौ रागीमी सोइक्ताक्व। सु सुमी मेको कली थमा सुइक्नीमी, मेकोपुकी नरक मलाइनीम। तन्न गेना हना यो परमप्रभु यावे नु बाक्चा ताइनीम। परमप्रभु यावेमी रागी डा मुर आन कली निसाफ पा नरकमी वोइक्चा, दे आ तौ मसोइक्ता। तन्न रागी डा मुर आन कली नरक रे प्रॉइचा कली सोइक्ताक्व।

1 यूहन्ना 5:11-13

मिनु मेको आ सांकछी मार बाक्ब देंशा हना, परमप्रभु यावेमी इं कली गेना हना यो ब्रॉइशा बाक्तीक गेपु। मोदेंशो ब्रॉइशा बाक्तीक आ तौमी पतीके बाक्ब। सु मेको आ तौ नु बाक्बा, मेको गेना हना यो ब्रॉइशा बाक्चा ताइब। सु चहिं परमप्रभु यावे आ तौ नु मबाक्बा, मेको गेना हना यो ब्रॉइशा बाक्चा मताइब। मिनु गेपुकी परमप्रभु यावे आ तौ आ नें कली थमा सुइक्नीनी। मोपतीके गेना हना यो ब्रॉइशा बाक्चा ताइब बाक्नीनी, दे गो इन कली तुइक्पाइक्चा कली ब्रेक्ताक्ड।



उत्पत्ती 3 - 6

Storyline by: Edward D. Hughes

Illustrated by: Byron Unger, Lazarus,
and Alastair Paterson

Adapted by: M. Maillot, Tammy S.

Sunuwar Bible (suz) © 2011, Wycliffe Bible
Translators, Inc. All rights reserved.

<https://www.bible.com/bible/789/GEN.1.SUSZ>

©2026 Bible for Children, Inc.

www.M1914.org

www.bibleforchildren.org

